

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO - SANSKOG KANTONA**

-PRIJEDLOG-

**ZAKON
O IZVRŠAVANJU BUDŽETA
UNSKO-SANSKOG KANTONA
ZA 2008. GODINU**

Bihać, mart 2008. godine

Na osnovu člana 11. b) i f) odjeljka A, poglavlja V. Ustava Unsko-sanskog kantona i člana 5. i 24. Zakona o Budžetima u Federaciji Bosne i Hercegovine („Sl. novine Federacije Bosne i Hercegovine“ br.19/06), Skupština Unsko-sanskog kantona, na prijedlog Vlade Unsko-sanskog kantona, na sjednici održanoj dana _____ 2008. godine, donijela je:

Z A K O N
O IZVRŠAVANJU BUDŽETA UNSKO-SANSKOG KANTONA
ZA 2008. GODINU

I - OPĆE ODREDBE

Član 1.

Ovim Zakonom uređuje se struktura prihoda i primitaka, te rashoda i izdataka Budžeta Unsko-sanskog kantona za 2008. godinu (u daljem tekstu: Budžet) i njegovo izvršavanje, upravljanje prihodima, izdacima, finansiranje, računovodstvo i nadzor Budžeta, prava i obaveze korisnika budžetskih sredstava (u daljem tekstu: korisnici), kazne za neispunjenje obaveza, te druga pitanja u izvršavanju budžeta.

Član 2.

Budžet se sastoji od općeg i posebnog dijela.
Opći dio Budžeta se sastoji od Računa prihoda i rashoda i Računa finansiranja.
U Računu prihoda i rashoda i Računu finansiranja iskazuju se porezni i neporezni prihodi, drugi prihodi i primici, te izdaci utvrđeni za finansiranje javnih izdataka na nivou Unsko-sanskog kantona na osnovu zakonskih i drugih propisa.
Posebni dio Budžeta sadrži detaljan raspored izdataka po budžetskim korisnicima (u daljem tekstu: korisnici) i vrsti izdataka.

Član 3.

Budžet je procjena godišnjih iznosa prihoda i primitaka i utvrđenog iznosa rashoda i izdataka Unsko-sanskog kantona (u daljem tekstu: Kanton), kojeg donosi Skupština Unsko-sanskog kantona (u daljem tekstu: Skupština Kantona).

Član 4.

Svi rashodi i izdaci moraju biti utvrđeni u Budžetu i uravnoteženi sa prihodima i primicima.
Izuzetno, zbog neusklađenosti prihoda u Budžetu, Vlada Unsko-sanskog kantona (u daljem tekstu: Vlada) može donijeti mjere radi ostvarivanja budžetske ravnoteže.

Član 5.

Budžet se odnosi i važi za fiskalnu 2008.godinu (u daljem tekstu: fiskalna godina).

Član 6.

Budžetski korisnici su ministarstva, drugi organi uprave, kantonalne uprave i ostali čije je finansiranje iz Budžeta predviđeno posebnim propisom (u daljem tekstu: korisnik).

Korisnik koji u svom budžetskom razdjelu sadrži potrošačke jedinice, budžetski je za njih nadležan.

II - IZVRŠAVANJE BUDŽETA

Član 7.

Sredstva Budžeta osiguravaju se korisnicima koji su u Posebnom dijelu Budžeta određeni za nosioce sredstava na pojedinim pozicijama.

Član 8.

Korisnici mogu sredstva Budžeta koristiti samo za namjene koje su određene Budžetom, i to do visine utvrđene u Posebnom dijelu Budžeta.

Budžetskim korisnicima nije dozvoljeno da stvaraju obaveze, odnosno rashode ili opterećenje budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

Član 9.

Svi javni prihodi i primici Budžeta, uključujući i prihode koje korisnici ostvaruju obavljanjem osnovne djelatnosti i ostalih poslova na tržištu, uplaćuju se na Depozitni račun javnih prihoda Kantona i iskazuju po izvorima iz kojih potiču.

Korisnici su obavezni da prilikom izrade svog dijela Budžeta planiraju rashode i izdatke korisnika iz svoje nadležnosti koji se pokrivaju prihodima od obavljanja osnovne djelatnosti.

Donacije, grantovi, koji nisu planirani u Budžetu, a ostvare se u toku godine, namjenski se usmjeravaju odlukom Vlade. Kantonalno ministarstvo finansija (u daljem tekstu: Ministarstvo finansija) na osnovu pismenog dokaza o uplaćenoj donaciji i drugoj odgovarajućoj dokumentaciji korisnika vrši povećanje budžeta na rashodovnoj strani odnosno budžetskog korisnika.

Član 10.

Budžetski korisnici sredstva Budžeta koriste u skladu sa svojim godišnjim finansijskim planom, a po dinamici utvrđenoj mjesečnim operativnim planovima.

Član 11.

Budžet se izvršava na osnovu mjesečnih operativnih planova za izvršavanje Budžeta, u skladu sa raspoloživim sredstvima.

Član 12.

Korisnici preuzimaju obaveze za koje su sredstva namjenski iskazana u Posebnom dijelu Budžeta, a po dinamici utvrđenoj mjesečnim operativnim planovima.

Izuzetno, zbog neusklađenosti priliva sredstava u Budžetu prema mjesečnim operativnim planovima izdataka, Ministarstvo finansija može izmjeniti dinamiku odobravanja sredstava korisnicima, uz saglasnost Vlade.

Član 13.

Korisnici pripremaju i podnose prijedloge operativnih planova Ministarstvu finansija.

Ministarstvo finansija donosi instrukciju o pripremanju i podnošenju operativnih planova korisnika.

Prijedlozi operativnih planova obuhvataju rashode za svaki mjesec.

Član 14.

Korisnici, odnosno nadležna ministarstva za korisnike, dužni su dostavljati mjesečne finansijske planove za slijedeći mjesec do 25. u tekućem mjesecu.

Ako korisnik Ministarstvu finansija ne podnese prijedlog mjesečnog finansijskog plana u roku iz stava 1. ovoga člana, mjesečni plan za tog korisnika utvrđuje Ministarstvo finansija.

Član 15.

Rashodi svakog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji utvrdi Ministarstvo finansija.

Ministar finansija ima pravo rješenjem obustaviti od izvršenja svaki akt koji je u suprotnosti sa ovim Zakonom i Zakonom o budžetima u Federaciji Bosne i Hercegovine („Službene novine Federacije BiH“ broj:19/06).

Korisnik ima pravo prigovora na rješenje iz prethodnog stava Vladi u roku od osam dana od dana prijema rješenja.

Član 16.

Ministarstvo finansija izvršava mjesečne finansijske planove po korisnicima i izdacima, u skladu sa raspoloživim sredstvima.

Ministarstva koja u svom razdjelu sadrže budžetske potrošačke jedinice, budžetski su za njih nadležna i utvrđuju računске mjesečne planove izvršavanja izdataka svojih korisnika u okviru odobrenih sredstava.

Član 17.

Ministarstvo finansija prenosi neutrošena sredstva po pojedinim stavkama izdataka iz mjesečnog plana izvršavanja Budžeta na iste stavke u naredni mjesečni plan izvršavanja Budžeta iste budžetske godine.

Član 18.

Postupak nabavke roba, usluga i radova obavljat će se u skladu sa Zakonom o javnim nabavkama Bosne i Hercegovine („Službeni glasnik BiH“ broj: 49/04, 19/05, 52/05, 8/06, 24/06, 70/06 i 105/06).

Član 19.

Ministarstvo finansija, na prijedlog budžetskog korisnika, može da donese odluku o preraspodjeli rashoda u okviru ukupnog iznosa odobrenog za budžetskog korisnika.

Budžetskom korisniku odobrava se preraspodjela svih vrsta rashoda, a najviše do 10% od ukupno odobrenih rashoda.

U okviru odobrenog budžeta, preraspodjela sredstava izuzetno je dozvoljena između budžetskih korisnika, o čemu odlučuje Vlada na prijedlog Ministarstva finansija .

Član 20.

Neiskorištene aproprijacije i opterećenja istječu 31.januara naredne fiskalne godine.

Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj.

Aproprijacije u svrhu finansiranja višegodišnjih kapitalnih projekata prenose se u narednu fiskalnu godinu prema iznosima i vremenskom rasporedu utvrđenom u Planu razvojnih programa.

Član 21.

Budžet Unsko-sanskog kantona izvršava se po slijedećim prioritetima:

- 1.Obaveze iz prethodne godine
- 2.Plaće, doprinosi i naknade zaposlenima,
- 3.Beneficije za socijalnu zaštitu i izdaci za boračku populaciju
- 4.Ostali izdaci.

Član 22.

Hitni i nepredviđeni izdaci koji se pojave u toku budžetske godine podmiruju se iz sredstava Tekuće rezerve Budžeta .

O korištenju sredstava Tekuće rezerve Budžeta odlučuje Vlada, a po dobijenom mišljenju Ministarstva finansija.

Kriterije za upotrebu sredstava Tekuće rezerve utvrđuje Vlada.

Premijer Kantona može raspolagati sredstvima iz Tekuće rezerve Budžeta do iznosa od 100.000,00 KM, a ministar finansija do iznosa od 50.000,00 KM u toku fiskalne godine.

Ministarstvo finansija obavezano je tromjesečno izvještavati Vladu o korištenju Tekuće rezerve Budžeta.

Vlada polugodišnje izvještava Skupštinu Kantona o korištenju sredstava Tekuće rezerve Budžeta.

Član 23.

Ako se u toku fiskalne godine prenesu određene nadležnosti budžetskog korisnika ili sam budžetski korisnik prestane da postoji, Vlada je dužna da uspostavi komisiju za popis imovine, obaveza i potraživanja. Nakon usvajanja izvještaja komisije, Ministarstvo finansija vrši prenos preostalih planiranih sredstava u Tekuću rezervu budžeta, dok se prenos ostalih sredstava vrši na osnovu odluke Vlade.

Član 24.

Sav prikupljeni i naplaćeni javni prihod, koji pripada Budžetu, obavezno se uplaćuje na Depozitni račun javnih prihoda kantonalnog Budžeta u skladu sa Zakonom o trezoru u Federaciji Bosne i Hercegovine („Službene novine Federacije Bosne i Hercegovine“ broj: 19/03,58/02,19/03,79/07), i Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.

Član 25.

Povrat više ili pogrešno uplaćenih prihoda u tekućoj godini vrši se sa računa javnih prihoda (depozitnog računa) iz tekućeg priliva.

Povrat više ili pogrešno uplaćenih prihoda koji nisu uplaćeni u tekućoj godini vrši se sa transakcijskog računa javnih prihoda.

Povrat više ili pogrešno uplaćenih javnih prihoda vrši se na osnovu dokumentacije sa kojom se raspolaže o više ili pogrešno uplaćenom javnom prihodu i uvjerenja koje izdaje nadležni organ za kontrolu javnih prihoda.

Rješenje donosi Ministarstvo finansija, a u skladu sa Pravilnikom o procedurama za povrat i preknjiženje više ili pogrešno uplaćenih javnih prihoda sa Jedinstvenog računa trezora Unsko-sanskog kantona.

Član 26.

Visina dnevnica, naknada za putne i druge troškove koji nastanu u vezi službenih putovanja za sve korisnike koji se finansiraju iz sredstava Budžeta određuje se na osnovu Uredbe o naknadama troškova za službena putovanja („Službene novine Federacije Bosne i Hercegovine“ broj:75/04,43/07,50/07).

Član 27.

Sredstva utvrđena u razdjelu 10. Budžeta, pozicija “Naknada skupštinskim zastupnicima” (poslanički paušal) doznadžava se Skupštini Unsko-sanskog kantona, na osnovu Zakona o plaćama, naknadama i novčanim primanjima poslanika u Skupštini Unsko-sanskog kantona (“Službeni glasnik Unsko-sanskog kantona” broj: 6/04, 3/07 i 19/07) i Odluke o novčanim primanjima poslanika i članova radnih tijela u Skupštini Unsko-sanskog kantona.

Član 28.

Sredstva utvrđena u razdjelu 10. Budžeta, pozicije “Grant neprofitnim organizacijama- parlamentarne političke partije” raspoređuje se na slijedeći način: 30% od predviđenog iznosa raspoređuje se na parlamentarne stranke u jednakim iznosima, a preostalih 70% prema kriteriju učešća broja poslanika u Skupštini Kantona.

Detaljan način raspodjele reguliše Odlukom Skupština Kantona.

Član 29.

Sredstva utvrđena u razdjelu 11. Budžeta, pozicija «Grant Agencija za privatizaciju» služe za sufinansiranje rada Agencije za privatizaciju Unsko-sanskog kantona.

Član 30.

Sredstva utvrđena u razdjelu 11. Budžeta, pozicija « Grant nerazvijenim općinama Bužim, Ključ, Bosanski Petrovac i Bosanska Krupa», koriste se po odluci i kriterijima koje donosi Skupština, a na prijedlog Vlade.

Općinski načelnici su obavezni podnijeti izvještaj Vladi o utrošku sredstava, iz prethodnog stava, a Vlada Skupštini Kantona.

Član 31.

Sredstva utvrđena u razdjelu 14. Budžeta «Kapitalni grantovi općinama» raspoređuju se po odluci Vlade, a se na osnovu slijedećih kriterija i njihovih kvantifikacija: broj stanovnika 70%, broj učenika 20% i površine općine 10%, za infrastrukturne projekte dostavljene od strane općinskih načelnika.

Sredstva iz prethodnog stava prebacuju se na transakcijski račun općina Unsko-sanskog kantona, u skladu sa zakonom, kada se opravdaju sredstva iz prethodne godine.

Općine su dužne sredstva utrošiti za projekte iz stava 1.ovog člana, a u skladu sa odredbama Zakona o javnim nabavkama .

Općinski načelnici su obavezni Vladi, putem Ministarstva finansija, podnijeti izvještaj o utrošku dodijeljenih sredstava, o čemu će Vlada izvijestiti Skupštinu Kantona.

Član 32.

Sredstva utvrđena u razdjelu 15. Budžeta, pozicija « transfer za podsticaj i razvoj poduzetništva i obrta», prema programu resornog ministarstva, raspoređuje Vlada, o čemu će izvijestiti Skupštinu Kantona.

Član 33.

Sredstva utvrđena u razdjelu 15.,16.i 17. Budžeta “Kapitalni grantovi”, koriste se po programima koje donosi Vlada.

Član 34.

Sredstva utvrđena u razdjelu 17. Budžeta “Beneficije za socijalnu zaštitu (materijalnu pomoć-socijalna pomoć, smještaj u ustanove socijalne zaštite, smještaj u drugu porodicu, civilne žrtve rata i trudničko bolovanje)”, koriste se po programima koje donosi Vlada.

Sredstva utvrđena u razdjelu 17. Budžeta “Izdaci za raseljena lica» koriste se po programima koje donosi Vlada.

Član 35.

Sredstva utvrđena u razdjelu 16. i 17. Budžeta «Grantovi udruženjima» i «Grantovi pojedincima» raspoređuje na korisnike Vlada, po programima utvrđenim od strane resornih ministarstava.

Član 36.

Sredstva utvrđena u razdjelu 17. Budžeta, pozicija «subvencija javnim preduzećima – Služba za zapošljavanje – Naknada demobilisanim borcima – za provedbu zakona», koriste se za sufinansiranje Službe za zapošljavanje Unsko-sanskog kantona radi implementacije Zakona o pravima demobiliziranih branilaca i članova njihovih

porodica («Službene novine Federacije Bosne i Hercegovine», broj: 61/07), putem resornog ministarstva.

Član 37.

Sredstva utvrđena u razdjelu 17. Budžeta «Izmirenje obaveza za socijalne kategorije - dug i realizacija sporazuma sa nezavisnim strukovnim sindikatom zdravstva» raspoređuje Odlukom Vlada, na prijedlog resornog ministarstva, uz prethodno pribavljeno mišljenje Ministarstva finansija, Kantonalnog ministarstva pravde i Kantonalnog pravobranilaštva.

Član 38.

Sredstva utvrđena u razdjelu 18, glava 03, 04, 05 i 06, na poziciji «rekonstrukcija i investiciono održavanje» koriste se prema programu korisnika, uz saglasnost resornog ministarstva, o čemu se tromjesečno izvještava Vlada.

Član 39.

Sredstva utvrđena u razdjelu 18 01 na poziciji «jubilarne nagrade» raspoređuju se na korisnike javnih ustanova u oblasti obrazovanja a na prijedlog resornog ministarstva».

Član 40.

Sredstva utvrđena u razdjelu 18. pozicije «Grant za vjeru», «Grant za kulturu» koriste se po programu Vlade.

Sredstva utvrđena u razdjelu 18. pozicija “Grant za sport” raspoređuju se prema programu o raspodjeli sredstava, na koji saglasnost daje Vlada Kantona.

Sredstva utvrđena u razdjelu 18. pozicija “ Grant predškolsko obrazovanje – dječiji vrtići “, služe za finansiranje bruto plaća zaposlenih u ustanovama predškolskog obrazovanja, do prenosa nadležnosti na jedinice lokalne samouprave, u skladu sa Zakonom o principima lokalne samouprave u Federaciji Bosne i Hercegovine («Službene novine FederacijeBiH» broj:49/06).

Član 41.

Sredstva utvrđena u razdjelu 18. pozicija «Grant neprofitnim organizacijama-transfer za oblast nauke» koriste se za naučno-istraživačke projekte, koje posebnim programom predlaže Univerzitet u Bihaću, putem Kantonalnog ministarstva obrazovanja, nauke, kulture i sporta, Vladi na usvajanje.

Član 42.

Sredstva utvrđena razdjelom 20. Budžeta, pozicija «rekonstrukcija i investiciono održavanje - po osnovu vodne naknade» raspoređuje Vlada, na prijedlog resornog ministarstva.

Član 43.

Sredstva utvrđena u razdjelu 20. Budžeta, pozicija «subvencije u poljoprivredi», na prijedlog resornog ministarstva raspoređuje odlukom Vlada.

Član 44.

Sredstva utvrđena u razdjelu 20. Budžeta, pozicija “Primljene otplate od pozajmljivanja pojedincima i neprofitnim organizacijama” su namjenska sredstva za

sufinansiranje razvoja stočnog fonda, a koriste se na osnovu programa kojeg donosi Vlada, na prijedlog resornog ministarstva.

Član 45.

Sredstva utvrđena u razdjelu 27. Budžeta, pozicija «posebne namjene» su namjenska sredstva akumulirana iz prethodnih godina, a koriste se na osnovu Plana korištenja sredstava posebne naknade za zaštitu i spašavanje, kojeg donosi Kantonalna uprava civilne zaštite, uz suglasnost Vlade.

Član 46.

Sredstva utvrđena razdjelom 29. Budžeta, pozicija «rekonstrukcija i investicono održavanje » po osnovu cestovnih naknada, koriste se po programu kojeg usvaja Vlada.

Član 47.

Sredstva utvrđena u razdjelima “Izdaci za kamate” izvršavaju se po dospelosti plaćanja.

Član 48.

Sredstva utvrđena u razdjelima Budžeta “Grantovi nižim nivoima, grantovi pojedincima, grantovi neprofitnim organizacijama i subvencije javnim preduzećima” koriste se po osnovu programa koje donosi Vlada.

Član 49.

Sredstva ostvarena prodajom preduzeća na području Unsko – sanskog kantona unose se u Budžet i u skladu sa Odlukom o načinu deponovanja i korištenja novčanih sredstava ostvarenih prodajom preduzeća i banaka na teritoriji Federacije Bosne i Hercegovine („Službene novine Federacije BiH“ br.74/04) koriste se prvenstveno za izmirivanje unutrašnjeg duga Kantona, na osnovu Zakona.

Član 50.

Sredstva utvrđena u Budžetu, pozicija «Vansudska nagodba-razlika regresa za 2005.godinu» isplaćuju se korisnicima na osnovu odluke Vlade.

Član 51.

Nadležni korisnici budžetskih sredstava predlažu Vladi programe utroška sredstava iz člana 29.,32.,33.,34.,35.,40.st.1 i 2, 41., 42., 44., 46., i 48.

Sredstva se ne mogu koristiti prije nego što Vlada to utvrdi Odlukom.

Bitni elementi programa su: naziv i svrha programa, visina i izvori sredstava i naziv organizacije koja prima grant.

O utrošenim sredstvima iz stava 1. ovog člana budžetski korisnici tromjesečno izvještavaju Vladu.

Član 52.

Budžetski korisnik izrađuje Plan nabavke stalnih sredstava, koji mora biti u skladu sa prijedlogom finansijskog plana budžetskog korisnika i predlaže ga nadležnom ministarstvu, odnosno organu nadležnom za budžetskog korisnika.

Član 53.

Sredstva, pozicija "Naknade troškova zaposlenih" doznavaču se korisnicima Budžeta na osnovu Zakona kojima se reguliše odnosna oblast, akata koje donosi Vlada, sredstava planiranih u Budžetu i drugih opštih akata.

Član 54.

Svi prikupljeni i naplaćeni javni prihodi koji pripadaju Budžetu obavezno se uplaćuju na Depozitni račun Budžeta Unsko-sanskog kantona.

Obavljanje platnih transakcija vrši se preko transakcijskog računa koji je sastavni dio Jedinственog računa Trezora.

Potpisnik naloga platnih transakcija putem računa iz stava 1. i 2. ovog člana je Ministar finansija ili Premijer Kantona.

U odsutnosti lica iz stava 3. ovog člana, Vlada će na prijedlog Ministra finansija ovlastiti potpisnika naloga platnih transakcija.

Član 55.

Naredbodavac za finansijske planove Budžeta po odobrenim budžetskim pozicijama su Vlada, Premijer Kantona, ministri i rukovodioci drugih korisnika.

Prihodi koje Budžetski korisnici ostvaruju obavljanjem vlastite djelatnosti moraju se uplaćivati na depozitni račun javnih prihoda Unsko-sanskog kantona.

Uplata po osnovu ostvarenih vlastitih prihoda korisnika budžeta evidentiraju se kao vlastiti prihod svakog budžetskog korisnika u glavnoj knjizi trezora.

Sredstva uplaćena po tom osnovu ostaju na Jedinственom računu i postaju javni prihodi.

Član 56.

Sredstva utvrđena u razdjelu 11. Budžeta, pozicija „sudska izvršenja, sudske i vansudske nagodbe“ planirana su i ista se izvršavaju u skladu sa pozitivnim zakonskim propisima.

Na prijedlog Ministarstva finansija, u skladu sa ostvarenim приходima, Vlada tromjesečno odlukom utvrđuje visinu sredstava za sudska izvršenja odnosno sudske i vansudske nagodbe.

Kantonalni pravobranilac je dužan prije zaključivanja sudskih nagodbi pribaviti mišljenje Ministarstva finansija, u pogledu visine raspoloživih sredstava za ove namjene.

Član 57.

U slučaju da su obaveze i prava koja proističu iz drugih zakona i propisa u suprotnosti sa ovim Zakonom, primjenjuju se odredbe ovog Zakona.

III KONTROLA IZVRŠENJA BUDŽETA

Član 58.

Ministri su odgovorni za interni nadzor ministarstva i korisnika koji spadaju u njihovu nadležnost.

Ministarstva i drugi budžetski korisnici odgovorni su za zakonitost, svrsishodnost, efikasnost i za ekonomično raspolaganje budžetskim sredstvima.

IV - KAZNENE ODREDBE

Član 59.

Novčanom kaznom od 1.000 do 5.000 KM kažnjava se za prekršaj odgovorna osoba korisnika Budžeta:

1. ako sredstva Budžeta ne upotrebljava za one namjene za koje su sredstva utvrđena i ako preuzme obavezu iznad utvrđene u Budžetu (član 8.);
2. ako sredstva Budžeta ne upotrebljava u skladu sa svojim planovima (član 10.);
3. ako Ministarstvu finansija ne dostavi mjesečni plan u propisanom roku (član 14.);
4. ako ne postupi u skladu sa članom 31. stav 4. ovog Zakona;
5. ako postupi protivno članu 51. ovog Zakona;
6. ako sredstva isplati protivno članu 54. ovog Zakona;
6. ako ne postupe u skladu sa članom 55. ovog Zakona.

V – ZAVRŠNE ODREDBE

Član 60.

Ministar finansija, uz suglasnost Vlade, donosi pravilnike, uputstva, naredbe i druge akte za provedbu ovog Zakona.

Član 61.

Ovaj Zakon stupa na snagu narednog dana od dana objavljivanja u “Službenom glasniku Unsko-sanskog kantona”, a primjenjuje se za fiskalnu 2008. godinu.

Broj: _____/2008.
Bihac, _____/2008. godine

**Predsjedavajući Skupštine
Unsko-sanskog kantona**

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA**

-prijedlog-

OBRAZLOŽENJE
*ZAKONA O IZVRŠAVANJU BUDŽETA
UNSKO-SANSKOG KANTONA
ZA 2008. GODINU*

Bihać, mart 2008. godine

OBRAZLOŽENJE

ZAKONA O IZVRŠAVANJU BUDŽETA ZA 2008.GODINU

USTAVNI OSNOV

Ustavni osnov za donošenje ovog zakona sadržan je u članu 11. b) i f) odjeljak A, poglavlje V Ustava Unsko-sanskog kantona prema kojem je u isključivoj nadležnosti Skupštine donošenje propisa o finansijama i finansiranje djelatnosti kantonalne vlasti, ustanova i institucija koje kantonalne vlasti osnivaju, a Skupština Unsko-sanskog kantona, uz ostale nadležnosti predviđene ovim ustavom, odgovorna je za donošenje Budžeta kantona i donošenje zakona kojima se osigurava potrebno finansiranje.

ZAKONSKI OSNOV

Zakonski osnov za donošenje sadržan je u članu 5. Zakona o Budžetima u Federaciji Bosne i Hercegovine („Sl. novne Federacije Bosne i Hercegovine“ br.19/06), kojim je određeno da se uz Budžet donosi Zakon o izvršavanju budžeta, kojim se uređuje struktura prihoda i primitaka te rashoda i izdataka budžeta i njegovo izvršavanje, prioriteti plaćanja, obim, zaduživanja i garancije, upravljanje javnim dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenje vlade, ministarstva finansija i ministra finansija u izvršavanju budžeta za tekuću godinu, kazne za neispunjenje obaveza te druga pitanja i članu 24. kojim je regulisano da se odredbe člana 9. do 23. ovog Zakona shodno primjenjuju kod izrade i donošenja budžeta kantona, gradova i općina i finansijskih planova njihovih izvanbudžetskih fondova.

OBRAZLOŽENJE RJEŠENJA

Ovim zakonom propisuje se postupak izvršavanja Budžeta Unsko-sanskog kantona u 2008. godini.

Budžet Unsko-sanskog kantona za 2008. godinu izrađen je u skladu sa Zakonom o Budžetima u FBiH («Sl. novine FBiH», broj: 19/06) .

U članu 1.-6. ovoga zakona propisane su opće odredbe u vezi s Budžetom Unsko-sanskog kantona za 2008.godinu.

U članu 7.-17. određeno je namjensko korištenje sredstava, uplate javnih prihoda, donacije, te su propisana izvršavanja Budžeta na osnovu mjesečnih operativnih planova korisnika, obaveza korisnika o dostavi tih planova Ministarstvu finansija s rokovima i ovlaštenje Ministarstvu finansija da može mijenjati dinamiku doznake sredstava pojedinim korisnicima.

U članu 18. propisuje se postupak nabavke roba, usluga i radova.

U članu 19. određena je mogućnost preraspodjele rashoda.

U članu 20. uređeno je rok raspolaganja neiskorištenim aproprijacijama.

U članu 21. propisani su prioriteti po kojima će se izvršavati Budžet.

U članu 22. propisani su uslovi za korištenje sredstava Tekuće rezerve Budžeta.

U članu 23. uređen je način raspolaganja sredstvima u slučaju prestanka postojanja korisnika.

U članu 24. zakona propisano je uplaćivanje javnog novca, koji pripada Budžetu Unsko-sanskog kantona na depozitne račune javnih prihoda Unsko-sanskog kantona.

U članu 25. zakona utvrđena je obaveza povrata pogrešno uplaćenih i naplaćenih sredstava u svoti većoj od propisane njihovim uplatiocima na teret tih prihoda.

Član 26. obuhvaća Uredbu Vlade F BiH o visini dnevnica za službena putovanja.

Član 27. reguliše isplatu sredstava za rad skupštinskim zastupnicima.

Članom 28. se propisuje se način raspodjele sredstava za rad parlamentarnih političkih partija.

Članom 29. određeno je sufinansiranje rada Agencije za privatizaciju.

Članom 30. regulisan je način raspodjele tekućeg granta nerazvijenim općinama.

Članom 31. regulisan je način raspodjele kapitalnih grantova.

Članom 32. regulisan je način raspoređivanja sredstava planiranih za razvoj poduzetništva i obrta.

U članovima 33.,34.,35.,40.,41.,42.,43.,44.,46 i 48. propisano je da Vlada raspoređuje sredstva utvrđena u Budžetu za pomenute namjene, te da se ta sredstva koriste po programima koje donosi Vlada.

Članom 36. određen je način raspodjele sredstava Službi za zapošljavanje Unsko-sanskog kantona za naknade demobilisanim borcima.

Članom 37. određen je način raspodjele sredstava Izmirenje obaveza socijalnih kategorija.

Članom 38. utvrđen je način raspodjele sredstava na poziciji rekonstrukcija i investiciono održavanje, o čemu se izvještava Vlada.

Članom 39. utvrđen je način raspodjele sredstava ustanovama obrazovanja za jubilarne nagrade.

Članom 45. regulisan je način korištenja sredstava « posebnih namjena» koja se koriste u skladu sa Planom Kantonalne uprave civilne zaštite.

Članom 47. uređuje se način plaćanja izdataka za kamate.

Članom 49. reguliše se korištenje sredstava sa ESCROW računa.

Član 50. reguliše isplatu dugovanja prema zaposlenicima na ime razlike regresa.

Članom 51. regulišu se obaveze podnošenja programa utroška sredstava, te obaveze tih korisnika po izvještaju Vladi Kantona.

Članom 52. Zakona uređen je način nabavke stalnih sredstava za budžetske korisnike.

Članom 53. regulišu se «Naknade troškova zaposlenih»na osnovu Zakona kojima se reguliše odnosna oblast i akata koje donosi Vlada.

U članu 54. Zakona određena je uplata prikupljenih javnih prihoda.

U članu 55. propisano je ko je naredbodavac za finansijske planove Budžeta, te način uplate ostvarenih vlastitih prihoda korisnika budžeta.

U članu 56. određeno je da će se sredstva za sudske i vansudske nagodbe realizirati u skladu sa pozitivnim propisima, odnosno u skladu sa Zakonom o izvršnom postupku («Sl. novine Federacije BiH» broj 32/03 i 33/06), Zakonom o parničnom postupku i drugim.

Član 57. reguliše prioritet primjene ovog Zakona u odnosu na druge zakone koji regulišu ista prava i obaveze i propise koji su u suprotnosti sa ovim Zakonom.

U članu 58. propisano je ko obavlja nadzor nad upotrebom budžetskih sredstava.

U članu 59. utvrđene su novčane kazne zbog povrede odredaba ovoga Zakona.

U članu 60. propisano je donošenje podzakonskih akata na osnovu ovog zakona.

MINISTAR

Irfan Samardžić, dipl. ecc.